



ГАЗЕТА 1931 ПО' АПРЕЛЬ ИРЫГ' ЮКАД ВАТА ХАСАВАЮДИМДЕЙ ЯЛХАД НАДИБЕРҢА

СИ" ИВ ЯЛХАНА НОПОЙ" СЕРТАБИВА"

Мэбета вадава" ила' панан' етри' мэква"! НЯРЬЯНА НЭЭРМ



№ 27 (5249)
2025 по'
июль иры'
5 яля

СУББОТА

Российская Федерация Ямало-Ненецкий автономный округ



Сидянт: Иван Худи' талтавы

Вырэйвана
ныхыдырмы"

2

Тум' хабтабада" мэбе"мы"

Паранана ям' хабтабадаңэ тарана" няби маянд' еремы ненэцие" нядабада" Санкт-Петербург хардахана яңга е"эмняндо' сертавы пирдырмахана мэц. Маня" Ямал-хадана" манзаямдо' манэ"-лабтамбаванзэ хан"мы" җани' танияц.

«Сильнейший пожарный» нубетан' юкад вата сидя команда ма"лэвысь. Пыдо' Россияна" ханярнд җэвыць. Беларусь' няби Сербия' терхарт" поңганандо' мэвыць. Җокханда мат" ю" ненэца" теневабцодо' җадимдембавыць. Пяку" я' няд, Уренгой хардахад тум' хабтабадаңэ тарана Прокопий Хаулович Око-тэтто тания' ядэрмысь. Пыда җэдалёро"мамда тарем' ваде"җадась:

- Нерня округна" про-тивопожарной служба-хад падар" тось. Пуна Ямална" тиңгивна ман-заранахат мале сян сямян-хат ва"лэйм' тэраць, сидна" пирдырманзэ җэдара таслаць. Самляңгаңэ хаяваць: Тасу' яхад няхарто', мани' Пуrowsкой рай-онхад сидяни'. Нюртей мэва' тюку сянакубцхана мэдамзэ. Тарця таниявахад намдоркава намдорҗадамзэ. Ехэрана харадм' манэ"җадм'. Хуркари җани' я' тер" ненэцие лаханако ня"җадм'.

Тум' хабтабади теда' сибим-дей мэва' ма"ламбавыдонзэ. Пирдырмадо' няхар" ян' тярмы җэвысь: җопойҗэ пирдырма,



Сидянт: П. Око-тэтто' тавы

сидяңэ сюрбер-ма, җокаңэ теневаб-цо манэ"лабтамбава.

- Харе" сюрбермаха-на юкад вата матдомдэй ян' ха"мываць. Пуна Тасу' яхад җэда Владислав Тэсида' ня' пэрҗаминзэ. Мани' матдомдэйҗэ тэвынинзэ. Самляңгаңэ эста-фетам' җани' сававна пирда-леваць. Помнана" пякоцям' няха"на мипиваць. Сертавандамд мэн - няханд пякоцям' ми"җан. Җопой нява" 20 килограмм' пир" «рукав»м' ня"амба тет яҗорэй' җэда башня' ни' сюрамбари'

танэй". Тю"уна җатенанар иня' сер' җани' җопой рукавм' тю"у' нэкалҗа. Тикымда ил"махаданда танабцие" сер' җыльня' ха"мы". Няхаромдэй нява" кувалда-хана саңговота җамгэм' яхад-данда нензхалҗа. Тетимдей халыдарев' сюрамба"махаданда рукавм' ня"ма, тикэхэнанда парананараха мишеньм' хабта. Самлянзимдейва" маянд' ере-мэрха ненэцям' 30 метр' пирт' финиш' җэсонд' нюхуле. Нюху-левэнда саңгом' 80 килограм-мась. Ёльце варева" мэ"мана" нид няхаромдэйҗэ тэвына".

Мал' җобнзер" сянаковамдо' то-лахая тетимдей ян' ха"амвыдаць. Сибицяко ембдярота нивы" сюрбер", манзаяханандо' мэта" саңговота җамгэридо' мэ"мы", балондо' минармы". Җокханда няхар" ю" килограммрахам' нинандо' миневы". Таддикахад хусувэй манзаямдо' паромбари' пэрпато' серо"мы. Ныхыдо' җока җэвы, ёльце мэбе"мы", мере"мы", тодо" я' тер" поңгана Ямалва" нерня' ха"авравы".

Анна Яптик'
падвы

Җарка ненадумда"мам' ня"амвы

Россия яна" тиңгэвна җока нюсавэй" ненэцие пили" са-вуцетыдо'. Тандая' җани' җо-пой сава вадам' намдаваць. Җокханда юкад вата няхар" ё" няна илена" мяд' тер" җарка ненадумда"ми ня"амвы". Җэ-вахы нермбэртяна" Влади-мир Путин' табековна сиддо' ненадумдавы". Тарця ненадо падрт' пидте"мямда маңгы" иры' 24 яля' җабтавада.

Поңганандо' Ямал' тер" җани' тания". Неноховавна ненэй еркарм'

ханярина намдабана" ёльце маймбасетыва". Теда' Тасу' я' няна илена Ольга Николаевна Лапсуй' нямна паднаңгува". Пыда - ю" ню' небя. Тикы' е"эмня тад' нерня' «Мать-ге-роиня» нюмам' мэта.

Җавнанда Находка хардако-хона соявы. Мята тер" халям' хадабавы". Юкад вата сиднет похонанда хаюпа хэвы. Вэса-кода Герман Александрович Лапсуй' җобтики халям' хада-бада җэвы. Җобкана няхар" не нюмди', си"ив хасава нюмди'

вадавэхэ. Җарка хасава нюди" нисяндо' тотрев' халяданаңэ тара". Не нюди" мяд' манзай тяхасовна минре". Нюдямбой" нюкциди" тамна тохолкурҗа". Игорь хасава нюди' теда' ява" саюхат лэтрамби, СВО' няна сайнорҗа. Тюку по' «За отвагу» нубета медальм' ня"амвы.

Тасу' я' җэвахана мэна ерван-до' вадавна небямдо' небой по' тамна «Материнская слава Ямала» медальхана ненадумда-вэдонзэ. «Я' сяр' нина иленаңэ небясипой" илма" яңгу. Пыдо'

сидна" вадаба варемдо' мэ"җа". Сямянхат нерде' нюто' ням-на няркана". Җадьбята тар-ця ненадумда"мам' ня"амвы Ольга Николаевна' е"эмня сейхад миндя вади мэ"җава". Вадавы" нюкцида нерняңы илма" минреңгу", ява" савум-дамбаңгу", Тасу' яна" юнм' җаха" җэдабтамбаңгудо', - җока ню' небям' савуць тарем' лаханавы.

Галина Око-тэтто'
падвы

Вырэйвана ныхыдырмы”

Илебей ненэцие” ненадо яля-хана яна” ханярина хуркари серо минрець. Тарем, Яр-Салыхана сёбар” ма”льць. Сиддо, Ямальской районхы «Ямал-ню”на” я!» Ассоциация” тер” нобт’ тэвраць.

Ѓокханда мат” ю” няхар” мэбете”э ныхыдырта нэвысь. Ѓокаюм’ пелядо’ хахаяда Панаевск, Салемал, Сёяха харад’ няд товыць. Ѓанидо’ - Тасу’ я’ няби Пэ” тераць.

Пирдырмам’ нэмбавы” поңгана Ямальской район’ нэвахана мэна ерв’ марцьхэңэ таранаха’, сёбар” серо тидхалембада ерв мэвыць. Саля’ хой’ няд «Ямал-ню”на” я!» Ассоциация’ нэвахана мэна Эдурд Хабэчевич Яунгад товысь. Пыдо’ мал’ сянакованди” ед’ сава вади хэтыць.

Нара’ сие” ниць иры’ нюртей яляхад Ямальской районхана нэда «Ямал-ню”на” я!» Ассоциация’ филиалан’ Иван Валерьевич Худи тэвыць. Тамальнэгэхэд тюку нява” варемда мэць манзара, няхар” иры’ ямбан’ нэдимдевыда мале нэка. Тандая’ нэвы пирдырмам’ нани’ пыда сертаведась. Няданда хонарковани малнэгана тарця вади мэ”нась:

- Нямэхэна едэй серм’ пывани сер’ ныхыдырмам’ нэдимдева’ нямна ими ядэлыць. Тев’ ёльцяңгана илебей ненэця” мякандо’ нылынаванзь тосеты”. Хой’ ня’ хэвандо’ нерцю” пирдырмадамдо’ нэдимде тасладамзь. Паромба’ сянакованди” таслабцо падарм’ пададамзь. Си”ми сёбар” нэцекы” тохолкулава «Лидер» мякана манзарана” нэдаць, ма”лэсь ядава” таць. Ныхыдырта сиднет ян’ тарья-



Сидяңг’ Иван Худи’ тагтавы”



наць, хусувэдо’ харта сита пир” няхананда пирдырнэсь. Не” саңговодо’ 55, 65, 75 килограмм’ ёльцянд’ тэворнэць. Хасава” - 60, 70, 80, 90, 105. Хусувэй категорияхана нерня’ хэвына” тэня”. Не” поңгана Кристина Сэротэтто, Анастасия Вануйто, Полина Езынги няхатато’ мэбе”наць. Пыдо’ мал’ Яр-Салыхад нэ”. Сямянхат ненадо ян’ Яр-Саля’ тер Тибичи Кирилл, Панаевскхад нэда

Климов Едайхасова, Яр-Саля’ тер Яптик Меретя, Салемал’ няд ядэрта Езанги Кирилл, Панаевск’ тер Сэротэтто Едэйко ха”мыдаць.

Пудана похо”на ныхыдырма нерняри’ миңа, округна” федерация нод” тикы серм’ мэвэна ня”амбида. Ныхыдырмамдо’ яңга тохолковы” судья” маниедонзь. Сёяха’ няд Ямална” ныхыдырти” федерация’ нудандана’ марцьхы Николай Иванович Окотэтто товысь. Пыда тарем’ лаханась:

- Харто’ яханандо’ нобарка’ помнандо’ сянакобто’ тикахана Россия’ тигывна нэда” нэркарка” пирдырмаха” ханаць пиртадо’. Тодо” районха”на илена” нобт’ тэворма ненадовна сава, сёбарна” теневабцодо’ нобнэгэв’ нэкамдана”. Теда’ мале ненэциена” торома”, нэхатахаданда мэбернэ”. Похона нэпой-сидя ма”люрма нули” тянэ, ненэць’ ханзер” тохода? Пыхыдарим’ хамэдамбварихид вуни нэ”, сёнзя’ мюня мэйрэ, вырэй нэсь нив тара”. Тюку то”олха” пирдырмарихи”на няхатато’ тоходана”. Ненэць’ нэмгэхэв’ я”амнамда манэнта, тамна’ тыха’ хамекода.

Тэри сыртахартахана”на нюрцам’ нэвысь. Сянакованзь товэхэв’ тамна ханя” маймбю”.

Тарця сер” тэнява нянандо’ ёльце сава. Нудандо’ терад, мядонзэйдандо’ «Северный характер» нэбета проектм’ минрена”, «Импульс»’ тер”, Ассоциация хамэдавыць. Хуркари медаль”, кубок” ня”мавыць.

Анна Яптик’ падвы

Пэхэрэйдэдамдо’ тэвравы”

Та’ ямбан’ и”мана хусувэй хардан’ ту нэно” тэворцеты”. Ханяңы” нэвар тэвола”. Ѓанидо’ тецьда” нумга”на тараванда” пэхэрэйдэдамдо’ тэврасеты”. Бензинм’, соляркам’ тэволана” нани’ тэнясеты”. Теда’ мале сяна районан’ нэдалёрмы”.

«Ѓокханда та’ 63 ёнар” тонна нефтепродуктм’, 13 ёнаркад вата угольм’, ёнаркад вата кубометр пэхэрэйм’ ид’ сяр’ нимня тэвраңгува”. Мал’ нэдя” харад’ тер” е”эмня таславы”. Красноселькупской, Надымской, Приуральской, Пуровской, Тазовской, Шурышкарской, Ямальской районхана илена” по’ ямбан’ мэтыдо”, - округна” серо ня”амбада” лахана”.

Нерде’ нэрка и”мана

мер’ хасаңгана” яха” мюня нэда” харад’ ёльцянд’ тэвормы”. Тикы” - Овгорт, Лопхари, Питляр, Мужы, Горки, Зеленый Яр, Катравож, Щучье, Кутопьюган, Нори, Сюнай-Сале, Халясавэй.

Надымской район’ няна нэда Нарэ’ терха” маңгы” иры’ 25 яля’ пэдамдо’ тэвравы”. Хардандо’ серо ня”амбада” вадавна, 81 кубометр’ пир” павар” пэ” нэда”на” ненэцяңг”, тамна нэдя” нэцекы” мэлва’ мят’ таславы”.

Неняңг” ирыхына пилю” иры’ ямбан’ Красноселькупской, Пуровской, Тазовской, Ямальской район’ няю’ ядэрта”. Пилю” иры’ пудана ялэ” пиркана Пэ Саля’, Сёяха’, Ѓэдя’ няю’ пэңгудо’.

Галина Кинчина’ падвы

Таңы” серодо’

Харсаим хардахана илена” нэрм’ тер” нэкаюм’ пелядо’ халям’ хадабада” ненэця”. Невхы” похот иландо’ паңг тэняд пере. По’ ямбан’ манзаядандо’ мэ”надо’.

Неноховавна таңы нумгана халям’ хадабада” немам’ ни” мэс”. Пирцяка”я лаңг’ нэлына писавэй ялэ” мотор” хэрнари” сосеты”. Яха’ вархад нэно” нито’ пуд ид’ ня’ хан”на”, нэнидо’ я’ ня’ турнэ”.

Ѓахат халэ” ня”марпалван’ тэв-рамбадито’ поңгана сямбак”, палкур”, нэрка”я” сывта” тэнясеты”. Теда’ паридена халэрим’ ватаби”. Пыри, нянэте”э нэя, лярэ, падвы халэ, тамна нэни”.

Пудана” по’ ямбан’ халям’ хадабади” вадавна Саля’ яв’ мюня халэда тэнюмэ. Ѓадэбэята округна” серо ня”амбада” ватовна яңга халэ вадабава” ё” тэня”. Сямянхат юнета – Собский рыбозаводный завод. Тэняна халэ ханзер” нэкамдамбавам’ тенева”на” учёной” табековна манзара”. Сямбак”, палкур” тиребыхат нэдимы” халэкоци яха’ ит’ нэдабтамбидо’.

Маңгы” иры’ пудана ялэ” пиркана Харсаиман’ халям’ хадабава” серо тидхалембада” ерв” турмы”. Ёрма’, поңгарма’ нямна нэда” тоенана” серо ваде”мы”. Ѓамгэ халям’ сыха’ хадаба таравам’, хурка” поңга мэ”мамдо’, нэпой ненэць’ сян халям’ ня”ма пирмамда, закон’ ватом’ нэдавам’ – мал’ нэбнэзер’ таславыдо’. 2026 похона мэ”манда халэ’ падродо’ серта табековы”. Тикы’ е”эмня тамна сидя иры’ нэрм’ тер” ненэця”, общинахана мэна” халям’ хадабавандо’ няю’ яңга падарм’ падыбабто’ тара. Ѓэпой мяд’ тер” сянэокм’ вата пирта”, хурка халям’ сянэокувна ня”амбатото’ сава – тикы” вада” падарканандо’ падвы нэңгу”.

Тасалковандо’ малхана нэпой сава серт’ ха”амвыд”. Ѓэрм’ тер” табековна халям’ хадабада” харад’ тер” палытани” няць ёлава’ ёдо’ манэ”сартыдо’. Поңгарць яхато’ яңгана ёрта” ненэцие нидо’ нэдарамбаңгу”. Тарем’ ватаванда халэдо’ маси” нэкарка нэңгу”.

Галина Окотэтто’ падвы

Пяванда манзаядо, хамеды

Ямална" школам' малевы" илебей" ненэця" марк" манзаям' тохолованзъ ханцеты". Юкад вата цопой классм' ёльцевы" харвабцодо' харто' тасламбидо'. Тэравы" манзаидо' хуркари" нэсеты".

Ханяңы" вузха"на етя тас- лавы мэлваха"на мэ". Њахакуд хуркари" организацияхат ман- зараваандамдо' нэсеты". Тикы' е"эмня тохолкованда ненэць' пуна пяванда манзаяда хамэдэда. Манзарава ядамда таванда ня' падарм' падаңгуху'. Тохолкованда мирм' тэравы организацияда салдамбаңгуда. Мале"мяхаданда тохолковы таминда тания' манзараванзъ ханда.

Тюку по' А.И. Герцен' ню- мам' мэта университетхана нюдяко нэцекы тохоламбадаңэ тохолковы" студент" тохолко малеяд". Сидндет илебей" ненэця" целевой мэлвам' малевыць. Пыдо' - Пуровской, Приураль- ской, Надымской, Ямальской районхат нэда".

Њэрм яндо' школаха"на, садикха"на ман- зараңгу". Тарця етя мэлви Округна" нэрм тер" серо тидхалембада департаментхана няби ин- ститутхана мэна" таславэдонзъ. 2017 поход тикы серм' минредо'. Департамент' нэвахана мэна Ульяна Каленюк тарем' лаханавысь:

- Тикы сер" саць тара. Мале цока тохолковы" теда' Ямална" школа-интернатха"на, нюдя-



Сидяңг: dkmns.yanao.ru няд ханавы

ко нэцекэхэ"на манзара". Сидндет по' ямбан' цокханда юкад вата хасава ю" студент" тарем' тохолковыць. Цопой илебей ненэць' субсидияда юр" самляңг ю" ёнар" еся нэңгу.

Таддикахад неняңг" ирыхына А.И. Герцен' нюмам' мэта институтан' тохолкованзъ хэвандя" тания' падродо' нэдараңгудо'. Е"эмняндо' етя программат' сертавыць. Пуна нэцекы тохолабадаңэ школа-интернатха"на манзараңгу".

Тандая' тохолкованда" варемдо' мэ"ңая". Тэ- равы манзаидо' тяхасовна тохоламбидо'. Серо, падро сававна тенева"ненэця" яха"нато' саць тара".

Ехэрана явна ядэрмы"

Округна" школаха"на тохолкода" цар- ка" нэцекы" нэнисэй ям' манэ"манзъ хан"мыць. Белоруссия' март' ядэрмыць. Тикы нэдалёромадо' Ямална" тохолкова' депар- тамент няби Минской облисполком' таславы нэвы.

Царка Победа' сидндет ю" по' ед' сиддо' ма"лавыць. Цокханда юкад вата самляңг тохолкода" хэвыць. Си"ив харв маркад, Тарко- Салыхад, Новой Уренгой' няд, Приураль- ской, Ямальской, Шурышкарской районхат психолого-педагогической классаха"на мэна" нэдалёрмыць. Школам' мале"мяхадандо' нэцекы тохоламбадаңэ тохолкода". Ненэй нэцекэхэт ехэрана ям' манэ"манзъ Белоярск хардахад Вера Цокдэтам' тэравыць. Пыда ва"лэй пэдава: то- холко пирдырмаха"на, тамна хуркари" серка"на тяхасовна варемда мэ"мы.

Минскхана самляңг яля' ямбан' мэвы". Ханя- римна ядэр"мы". Танияна няндо' ненадо мэлви: Брестской крепостъм', сайноро"ма" по" нямна нэда музейм' нэдимдембавы". Тикы' хавна тамна хуркари" нэвэ манэ"мы", марад' университетан' тюңгавы". Тикахана манзаям' тохоламбада" нидо' лаханаконя"мыць. Њахакуд нито' сер' тохолкова' серо торомдамбавыць. Тюку ядэро"мамдо' пон' тенеңгудо'.

Тарем' Ямална" школаха"на царка классаха"на



Сидяңг: Анна Ялгик тадгавы

мэни нерня' тидхалембидо'. Едэй тованда по- хона цокханда няхар" юр" тет ю" есь" нэсяңо (сертификат") мипаңгу". Нэцекы" тэравы предметадо' тамна сававна тохоламбаңгудо'.

Падтаңгоди" пирдырма

Яна" тигэвна нэцекы" е"эмня «Полярные краски» нюбета пир- дырма миңа. Њэрм' тер" ила' сирм' лэтрамбава', нэдимдембава' ед' сертавы.

Тикы' сер" нэни ё" поңгы" харто' яндо' вадам' лэтрамбади" юд по', Ява" лэтрамбади" няби «Год героев», «Ямал-территория детства», «На- роды Арктики» нюбета" проект' ед' таславы. Тодо" тэңз" нэрм тер" ню" пирдырмахана мэңгу". Юд поход юкад вата тет пото' нэсонд' харто' помнандо' пирдырта". Юкад вата тет поход юкад вата сидндет потна" нэни харто' помнандо' ва"лэйм' тэраңгу".

Яңга номинация' сер' падтавы" манзаито' нямна паднаңгу". Харто' вадавнандо', луца вадавна падна пирта".

Конкурс' номинация" тарця": «Чу- мовая история», «Семейные тра- диции», «Традиционная одежда», «Традиционные игры и игрушки», «Герои среди нас».

Маңгты" иры" сидя юдимдей яля- хад пилю" иры' сидя юдимдей яля' нэсонд' манзаито' сидяңг тюкон' нэдаработо' тара: polar.kraski@yandex. ru. Ненэй" сертавыдо' тюку адресан: 629008, Ямало-Ненецкий автоном- ный округ, г. Салехард, ул. Гаврю- шина, д.17 нэдабтаңгудо'. Тамна савамбовна телефонувна: +7(34922) 6-70-21, +7(34922) 6-70-27 намдара".

Тарана юн

Вузха"на тохолковандаха" Ямал- на" нэвахана мэна ервана" нюмгана нюмдевы недбям' нэни' мипаңгу". Тикы' е"эмня округна" нэрм тер" серо тасламбава' департаментан' падродо' нэдарамба пяйдо'.

Тарця недбям' сававна тидпой" тохолкода" нэрм' тер' ня"марпаңгу". Таңы экзамендо' тетан', самляңган' малевы тэрабаңгу". Падродо' департамент' сайтан' Dkmns@yanao. ru пилю" иры' няхар" ю" нюртей яля' нэсонд' нэдаработо' тара:

- анкета,
- согласие на обработку персо- нальных данных,
- копия паспорта гражданина РФ (заполненные страницы),
- копия свидетельства ИНН
- сведения о страховом номере СНИЛС,
- документ с указанием рекви- зитов банковского счета платежной системы «МИР».

Таддикахад илебей ненэця" са- вавна тохолкобото' тара. Падродо' отечественной почта" серверхат - mail.ru, yandex.ru нэдарабидо'. Тамна хонравандара" таниябта тюку телефо- нувна 8(34922) 6-70-19 намдара".

Сайнормы" ненэцие" мяд' тер пюрџава"

Инзеледа"! Сайнорта" ненэцие шорта" юнм' нэдарамби". 1941-1945 похо"на сайнормы" солдат" мяд' тер пюрџа". Пыдо' фашистхат ямдо' нэдабавы". Маня" тюку яля' илевана" ед' ям' хэвхалмы". Юрнана" ни" џа". Масы" мядото' тер" нидо' тумдагудо'. Тикы' е"эмня тюку" вади падыбина".



Нарка я' юн

Ты пэрти" ялэ џатева"



Сидянт. Ю. Талеева' нэдабавы

Ты пэрты" яля – хойхана мюсерта" хибярихи"на сямянхат џарка яля. Маня" округханана" хусувэй по' 1932 поход мэцетыва".

Похона џопой ялярихина ты пэрма' серкана манзарана", хойхана мюсерта" нина" пили" минрена" манзаяхатато' ныланась мян"џа". Тарця ялян' маймбасеты". Ёани" нэсыхы"на мэна"нидо', перенидо' ядабтагугу", ервото' няюв тарана" серодо' таслаугу".

Хаёвы по' ямбан' ханзер" манзаравамдо' намдаугу", хоян' тэвравы" юне вадета", нерня' манзаравамдо' таслаугу".

Маня" округханана" Ты пэрты" яляха" хамеку". Ваеравы" ялэ" пиркана НАО' Ты пэрма' серо ня"амбада департаментхана џарка ялян' хамякова' нямна нюртей ма"лэвадо' ваерась.

Оргкомитетхана манзарана" хэбидя яляха"на нэванда" серо манэ"сарџаць, тарана падродо' таслаць. Ваде"џадонзэ сяха', ханя тирты џано" тиугуд".

Хэтась тара, маня" яханана" 2023 поход тэхэ"на манзарана" нина" џарка ялям' – Ты пэрты" яляџэ' нюмдебива", нерде' - Ты ялясь.

Тюку по' невхы" по" тотрев' СПК «Харп», «Ерв» ты пэрты", хойхана мюсерта" хибяри" џарка ялямдо' мэ"манзэ Краснойхана

пилю" ирий' нябимдей толыр-кана ма"лэда". Нэсыхына илена" нито' няюв џобкана хэбидя ялямдо' мэтадо'.

Яханана" Ты пэрты" ялям' неняџг" ирий' 21 яляхад пилю" ирий' самлянзимдей толыр" нэсонд' мэтава". Ёарка я', Нюдя я', Канин', Тиман' хойхана мюсерта", тэхэ"на манзарана" нина" џарка ялям' мэ"ма' ёльцьдо' танияугу".

Тев' ёльцяџгана ты пэрты" мюсерма' ян' тирты џано" тэворта", џарка ялян' мядонда" тута", хойхана тарана" џавори, џавар, мядонзэй тэвраугу".

Ты пэрты" яля ваерава" е"эмня тюку по' округва" есяха-на нядабада – я' юрм' нэкал-пада ООО «Лукойл-Пермь», тарем' округна" серо ня"амбада" таславэдо'.

Юлия Талеева' падвы

Я' мал' терхат Ёарка я' терха", Канин', Колгуев' нямна мюсерта" ненэ-цяџг" сейхад нэда" вади нэдарамбива". Тыда" ня-дэй яривна хадырџа". Епдя' ёльцьм' таџга ма-дара". Ватавы халяра" џоб" танияя. Нюкцида" сита" нядабая".

Мал' сензда" џада"!

ВЫЛКО

Василий Филиппович



(Нердена пелямда 26 номер-кана толара")

Василий Филиппович Вылко' мяд' тер пюрџава". 1925 похона Саянџгардахана соявысь. Ня-бакода Рогулева Матрена Григорьевна маркана Пермькова' ядэлавахана илевыйсь, харданда толыр" сидя юдимдей нэвысь.

1945 похона ты" ниць иры' 2 яляхана дивизияндо' тер" Берлин' няби хэван' тэвавыдаць. Ты" ниць иры' 3 яляхана Эльба яха' хэвхана ява" лэтрамбавы" ненэциена" мандал" џобт' тэ-вавыдаць. Победам' танияя ядабтавэдонзэ.

Василий Филиппович Вылко' нямна тарем' пады: 1925 похона соявы, ненэй ненэць', няхар" ядараџгавы, 1941 похона маџгты" иры' 23 яляхана округна" РККА ОВКахад Омской областян' сайнорманзэ хэвы. Пыда ням-нанда ненадумда"ми падрота сер' падвэдонзэ. 387 запасной стрелковой полкхад, 39 запасной стрелковой дивизияхад красно-армеец В.Ф. Вылко 1944 похона вэба' иры' 15 яляхана вудумысь. Владимир-Волынской хардахана (тенкана мар"џэ тара, Украина' Волынской областыхана џа) мэвысь.

1944 похона хор" иры' 2 яля-хана 202 запасной стрелковой полкхад 39 армиян' хэвысь. 1945 похона лимбя иры' 13 яляхана Казанской военно-пересыльной пунктан' Татарской АССР' Бауманской РВК' сер' тэвавыць. Таняд 37 запасной стрелковой бригадан' хэвысь. Адресда тарем' пады: Пензенской обл., Селикса' станция. Гарнизонной госпиталь' тер" лекар" табековна 570 рядо-вой 816 миномётной полкхад нэда В. Ф. Вылком' 1946 похона ты" саполана иры' 18 яляхана сайнормахад ха"авравэдонзэ.

**С.В. Шулинин' луца' вадавна падвэвна
Руфина Окоэтто' ненэй вадан' тэвравы**

ОБЪЯВЛЕНИЕ

ВРЕМЯ ДЛЯ ВАЖНЫХ РЕШЕНИЙ

5 000 000
РУБЛЕЙ В ГОД

2 300 000
РУБЛЕЙ ЕДИНОВРЕМЕННО

При заключении контракта
на Ямале

Подробности на сайте
contract89.ru



Ненэй ненэця' илангана вынгана хусувэй Һамгэм' харто' сертабидо'. Тарцяхана хибяхарт сиддо' лаха' ни нядабю". Тикы" теневабцодо' техэ невхы илангад минрейдо'. Няхар" иры' сер' нянда" ваде"ман' харвэйна". Тарця Һавэ" тамна' тяха' няна" Ензя' няна илена нява" Раиса Пехедомовна Яптуңэ ваде"ядась. Пыда иланда ямбан' Һопой падарт' ма"ламбавыдась. Пыда юне тэволанаңэ тарась. Падвыда пыдара" Һобтики толэйда". Һока Һамгэм' намдаңгуда". Ваданда хэтыр", иланда саир" Ензя' терхат миңа.Тарця" теневабцо" сяхаринда нянанда" Һани' тараңгу".

Һацекы' ебц



Сидяңг: М.Яр' тадавы"

Едемы не едэй соявы нюмда, сунда ха"ам"махад, тандая' сертавы ебц' мю' сыхыдаңгуда. Нюнда ебцад нисяда, харта ирида Һахакуд мимби". Пили" нерде' Һоб' ямб, тыялюй пя' хэвм' сомбовна сябаркая, турса-хана салмрахая, ебц' педарңэ таслаңгуда. Тиканда пирдада ю" сидя сантиметра' мян. Лата' сидя малм' миртя хасава, выяркая, сидя явна парэңгана сидертада, тадтикад латанда малха' мярэй иняна Һобт' сярәңгухуюда. Һылданда няю' сядо"манда хэвамда Һани' сянхав явна

парэңгана сидертада. Ебц' Һылдаңэ таславы сидя хаця сюрэбтяварка латаха' мярэй иняна сярота. Һэванда няю' сядота ебц' педарка-на Һани' сидя сим' парэңгана сита. Тикы сидя син' сёйрадм' мярэй иняна мэйрахая сярәңгу. Һацекэко сята нива ханьторма', та' ёльцяңгана неняңг" сята нива Һорма" е"эмня, сёйрад" нимня тохос' ютер", Һокась синдёда. Едэй соявы Һаябэй' Һацекы Һахакуд небянда нохо', тэваси', няблৌхад хобахат сэдвы седта тания. Тикарихина сэван' Һадимда Һацекым' ситя нямвы не хуракоцядарев' сэдвы сед' мю' сыхыдаңгуда. Хуракоцянда мюня' сунда ха"амва' ёльцянд' мэңгу. Һаябэй Һацекы ненэй тарана Һамгэда носи", тэваси" хобахат, няблৌхад сэдвы Һэ" нив'. Һацекы седта ебцанда Һардан', ямбан' ёльцевы, Һылдада тохоця ютер". Седта пиняңы сомбой тохокана тэнавы. Һацекэмда сыхыдаванда нерцюна, ебц' Һылдада' клеёнкахад парка-вы таём' лехэбтамби, тиканда ни' нярцом' мэңгу. Хурина пыхыдамда саңговотаңэ то-салта не нярсодамда мале' Һахакуд та' тёнда. Тарця лэтрамадо' яңгода хэвняд нярсодадо' тэмдаңгу" ни"им", нярсосыда" Һока ма- ям' мэта". Хурина Һацекы' Һанзим' хасабтамбада нярсори" Һэ"нив'. Нярсута ни' ты' пемзяд таславы лимбикахана лехэбтавы. Седта Һанзинанда нивада санибтеванда е"эмня, сыхыдава' нерцюна сыдыта" нийм' небыда тамна клеёнка' ютекэцяхана синтабида. Һэванда Һылна ябто', ты' таркана сабвы



пуркубтада тания. Пуркубтанда ниня' саль-няда лехэбты. Һацекы' ебцада няхар" иняна хуры. Тикаңэ ебц' Һылдан' мярэй иняна тебдевы. Нюнда ебц' ин небыда Һодякохона, харвобта лонгэйхана падтамбида. Хурина тайкуд маниеб", едэй ебц' тэри ханя' сом-бойко. Сёяранда иняна хуркари хыңганако" сярэ", ебцанда сидя хэвхана сера" Һэбто' тара", пармаданда мэтида. Сёярта ний' сом-бой шальхана, тохокана синды. Яля', Һухуд иням' сярхая, Һаябэй Һацекым' пыңгэй' нид манзабтамбада.

Раиса Яптуңэ' падвы

Яңгамдавы вато

Һэрм' терңэ маня" илма" ты пэрма-хад, халям' хадабавахад, ханевахад пере. Һадьбятта илна" саирм' етри' нерня' минревана" е"эмня, закон' вато' сер' мэйрёбта тара. Теда' ханяңы Һахатаңэ хэвы вато несэймдамбидо', савумдамбидо'.

Маңгты" иры' сидя ю" тетимдей яля-хана Россияна" Государственной Дума' Федеральной законм' падвысь. Несэйм-давы ватодо' «О рыболовстве и сохранении водных биологических ресурсов» нубе"Һа. «О животном мире» (ПФЗ № 309477-8) Федеральной закон' 6 статьям' Һани' яңгамдаведонзь.

Ямал' Законодательной Собрания' сенатор Григорий Петрович Ледков' вадавна, тарця серо мале сян по' тяхана пийдонзь. Ватом' несэймдамбавандо' мальңгана нерня Һэрм' тер" е"эмня «реестр"м' сертавыць. Теда' реестр' сер' юр" ёнар" пир" Һэрм' тер" тодо" тэңз" ненэця" няд"ми ня"марпа пир"Һа". Пуна община" нямна Һэда вато хаця несэймдавы": тарем' не"эльтенгода" ненэ-щие община сертаба нидо' Һэдарамбаңгу". Таддикахад ненэця" сертавы" Һамгэридо' мирдапа пиртыдо'. Тамна Һани' Һопой

мэвэдо' – халям' пэрма' нямна Һэда ватом' несэймдамбава. Тикы вато' сер' тодо" тэңз" Һэрм' тер", Сибирь няби Дальний Восток' няна илена" ненэця" таңга халям' хадаба пирта". Тикы' няю' серо"мамдо' яңга нидо' вадет", ханяхартад нидо' хонрамбаңгу". Халям' хадабава' няю' Һахатанда сер' падро падыба нянандо' ни тараңгу".

Реестран' пыхыдадо' нивы" падвы" 2026 по' Һарка пэвдей иры' 31 яля' Һэсонд' сяңок халям' вата пир"ма падродо' сертабто' тараңгу. Хусувэй ненэць' по-хона падаркана таславы пир" халям' ня"амбата серота. Хурка Һано, поңг мэ"мам' Һани' таславэдо'.

Община" Һахатандо' сер' падродо' сертабаңгудо', халям' хадабава' нямна Һэда 33.2 няби 33.3 статьяха' нёдаңгу". Квотыдо' помнандо' тарця серо ня"амбада" ерв" тярпаңгудо'.

Государственной Дума' депутат" ва-давна, тикы закон 2026 по' вэба' иры' нюртей яляхад манзара пэңгу". Не-сэймдавы закон' ватом' нёдавам' яна" серо ня"амбада" ерв" лэтрамбаңгудо', маниеңгудо'.

Анна Яптик' падвы

Ява" лэтрамбади" нядаңгосэй

Яханана" ява" лэтрамбади ханзели" нядабидо', е"эмняндо' хуркаритарана нядаңгосэй Һадимдемби". Ямална" Һэвахана мэна ервана" ватовна тамна Һани' Һопой няд"ма Һадимясь.

Тоенана серм' минрена" нина" ядара"мандо' нид Һудаси", Һэси" хаё пир"Һадо'. Тарем' еремы" ненэцяңг" Россияна" социальной фондхад есясавэй падарм', сертификатм' мипи". Таддикахад тикы" есьто' тянюлеб", округва" сиддо' Һани' нядабаңгу. Протез, «ортопедической изделия» нубета Һаво тэмдабаңгу.

Едэйвана Һадимдевы няд"мадо' мат" ю" матдомдэй Һэңгу. Тарцям' сертава' е"эмня ненэцяңгана яңга падарм' пада тараңгу. Ма"лавы падрода мале пон', юкад вата самляңг яля' пирт' манэсартыдо'. Падрода ма"ламба пяванда ёльцяңгана, контрактм' падыбаван-да мальңгана Ямалхана иленаңэ толёбта серота.

Нядаңгосэй Һадимя' нерцю" протез' мире" пелям' Россияна" социальной фонд салдамбидась, няби пелямда ненэць' харта мипидась. Теда' тикы пе-лямда округва" салдамбаңгуда. Яна" социальной защита' департамент есь тидпой" протез сертавэхэ", мирдапдаха" Һэдарамбаңгуда. Тарем' таслаб" ява" лэтрамбада Һобкарт есям' ни мипаңгу".

Анна Хорэли' падвы



Пювш дилиң хусыкана ңалмы” ңашки” дет ңайта дядям «День молодёжи» мэшту”. Маня” Пюд дяханана чильниймана манслана”, мансдяң дет университетхана”, колледжхана”, техникумхана” тоходкота” нешаң ңашки” ңука.

АНДРЕЙ ВЭЛЛО шеэв пуң Тадкахана ңайта поисково-спасательный’ отрядхана ЯМАЛСПАС манслаңа. Андрей дёдыше чильний, вивнутута нешаң. Пыта мансдяң дет Казанский’ национальный исследовательский технологический университетхана тоходкомы. Хаймыхи каймянта недья манде мансда чепьмай. Недьчезй сезонный’ десантный’ пожарныйңэ мэмай, тай”ня 2018 похона спасательңэ няаммайтуң. Шеэв пуң мансламанта дямпан мансдямта дёдыше хомана миндеңата. Чикиң камна хатта спортсмен’, шейта манслана, дямалана нешаң. Кудкади” всероссийский”, региональный” УР-ФОхана мэта” соревнованийихи”на мянадышту. Шанат мэмаң нэхэдүмпё мас-рестлингхана мянадыта” спортсмену” поңкна нэхэдыштуш. Чуки похона Андрей ассоциацияхана «Ямал – потомкам!» ңайта Молодёжный’ Совет председателъңэ мэңа. Нета” няш ңалтана ңашки” деэмя ңайта шелу” таслампышту. Пытоң нидинатуң, катанатуң миндемы дидивсум, ватам дэтлампё кудкади” проекту” шелтаваныш вивиты”. «Чильниймана нита” ватапёты, спортхана мэштоны, дилишата дянта чел” нета” нятапёштоны» – мечтата пыта талдыша. Дилеш мэтата винта ңут – «Заботься, развивайся, помогай!».

Чуки ноптухуна ңалтана ңашки” чупей лусаң ватам чедимяңа”, кудкади” мансди” дет тоходкошту”, шанат деты ңамыдю” тоходашту”.



КСЕНИЯ АЙВАСЕДО Халыңкалтыхина ңайта Ямальский многопрофильный’ колледжхана кынутоң мансдяң дет тоходку. Тоходковшта направлениа «Сольное и хоровое народное пение». Пимшата ни ңашки, кудкади ңайватам пяпнанта ништу димум. Тоходкоманта камна капиди” кынсу” дет ңайта «Мачит коймы» нимиди

Чильниймана манслаңа”, тоходку”



та ансамблян дятды, кынсу” мэта ансамбльхана «Разгуляй» кынушту. Ксения кудкади” всероссийский”, региональный”, международный” конкурсахана” кынуци” поңкна мянадыш нэхэдышту. Ханты-Мансийскхана ңаймы дяң тамна мэта XI международный’ конкурсахана «Мисс студенчества Финно-Угрия - 2025»

шанат калтыхит томы” мянадычи” поңкна мянадыш Ксения «Мисс дружба» нимита титул’ няамҕаш. Чикиң камна чуки похона Новый Уренгойхана ңаймы Җәдм’ чел” нешади” дет тондюта «Дыхание Арктики» фестивалъхана «Ялэмдад» нимита коллективхана кынуҕаш. Хомана шодёш кынумантуң деэмя ансамбльтоң ңайвахай местам канаҕаш. Надаң Москвахана XX международный’ конкурсахана «Сокровища Севера 2025» шанат дяхат мэна” нешади” поңкна кынуш нимимты местан каамдыш. Москвахана ңаймы народно-певческий искусство им. Н.К. Мешко нимита всероссийский’ конкурсахана кынушата «Разгуляй» ансамблята няхамты местам канаҕаш. Халыңкалтыхина ңаймы Международный’ этно-фестивалъхана «Душа тундры» Ксения хомана кынуманта деэмя ңайвахай местан каамдыш. Тоходкоманта камна Ксения

фортепианахана шана’кошту. Мансдяң тоходко хитамахатата пыта Халыңкалтыхина дилиман ха’ңа, маньшту, чики калват дёдыше вихинянта ңа. Ямальский филармонияхана мансламанта мэт вивиты.

Чильниймана дилина”, пимшата”, хомана манслана”, тоходкота” ңашки ңука.

СЕРГЕЙ АЙВАСЕДО мансдяң дет Тадкахай колледжхана тоходку. Тоходампютата мансдята «Сооружение и эксплуатация газонефтепроводов и газонефтехранилищ». Сергей Калпюккат мэна. Дёдыше чильний, шоньшата латта ңашки. Пыта тамна нючаңэ, шеэв похотата Җәдм’ чел” нешади” спортхана шана’ко чепьҕаш. Ши’та тоходампюмы тренер - преподавательта Иван Николаевич Пяк. Ха”модыш, вядкудолыш, нэхэдүмпёш, шудвидыш, тупкам модюпёш Сергей хомана чедимяңа, талям четаң дёдыше нюңкмана мянадыш шана’кошту. Кудкади” всероссийский”, региональный” соревнованийихана” мянадыш нэхэдышту. Пыта 2023 похона четдьяңкня - хампьяңк’дьяңкня потуң ңайта ңашки” поңкна

вядкудолыш мянадыш (222) шича дёналкат ва’та шича дю” шича мэмаң нядяңпаңк вядкҕаш. Таньдёдышкана чикита Ямалхана рекордңэ тундыш. Шанат мэмаң нешади” спортхана нэхэдыштоманта деэмя непоң Пуровский район’ спортивная элитахана Сергей’м хома спортсменңэ тондаңатоныш. Талдыша хомана мансланна”, тоходкота” ңалтана” ңашкеэ” маня” дяханана ңука. Җалмы” ңашки” дет ңайта дядяхана чупей” ши’читуң поздравийман ха’ңама”. Дилтуң хома ңёдя”, мансдятуң нидя шеэм, хомана тоходкодья”.

Андрей Пяк патмы



Сяне" по" ямбан' «Няръяна Ѓэर्म» газетахана" ханярид падвыдо' җэдарабасеты". Ханярэхэна хибя җэдаравы" җэвамдо', нубедо' нидо' падыбасету". Теда' толавандида" мале пон' сюрвы". Я' ва"ал", стихотворений" толабаб" тэри хайна". Пыдара" җод" толэйда", сяхаринда иланда" сибимда"маңэ тарая". Тарем' җобкана ненэй ненэцяҗэ невхы илна" саирм' нерня' минрехэва". Маси" поҗгананда" хибярира" харта падвыда тумдаҗу.

Ханена Тэтакo



Җопой җэсыхына җаць хасава илевы, нюмда Тэтакo җэвы. Пыда җули" ва"лэй җэвы. Тёняҗы мякана савамбой некоця – Сэрне илевы. Пыда җод" ёльце мел" җэвы. Тэтакo ихинанда манзеты: «Сэрнехэни сейхад сава җамгэридамда миць сава җэбтав?!»

Нара' ёльцяҗгана ирихиданда хаёвы җымм' мэць хане хая. Җа"җэця' тон' пяда, таняна җопой мэҗгуда, җа"җэцяха" ни теб", нябимдей-няхаромдэй җэдарада – җында муҗг" то' няби малан' етри' ха"морҗа". Мяканда терси" хая.

Нябимдей хане хэванда сер' җа"җэцямм' есан' ня"ма таслада. Есамда то' хэв-хана мярсетыда, ялянда' ямбан' җобкарт' теб-

на юҗгу! Мяканда җани' терси" хая. Няхаромдэй хэванда сер' җацянда невхы җымм' хана. Тад

җынанда иням' нэкалҗада, ябм' минрена муҗгада ид' нимня сюдэркая тирць миндаханда



җа"җэця' сэван' теба. Маймбада Тэтакo җа"җэцямм' то' вархад ня"махая мят' хая. Миманда сер' тарем' таслада: «Тюку җа"җэця' пыяхад җухуком' сэдҗгудм', җухукоми Сэрнен' митав!»

Мяканда тэв"махаданда таминда җа"җэцямм' ниҗгавэда, не-ноховавна пыямда ха"авраванда сер' җухуком' сэдыба пя. Нибям' җопой пакалҗада – җуданда таркам' сидерҗа! (Хэй-я!)

Тикы серм' манэ"кава, небыда тарем' манзь ханада:

– Ненэй ненэцяҗгана илева' ямбан' сэдорава – не' манзая! Тикар хасавахана ни серос"! Тарця вади намдахавна Тэтакo җа"җэцянда пыям' содахая төняҗы мят' хая, пыямда Сэрнен' ми"җада.

Сян яля' хэ"мяхад тикы җа"җэця' пыяхад Сэрне җули" паской җухуком' сэдвы. Тикаханда ненэй илаҗгана хасава" – ты", халэ" пэртяҗэ, ханенаҗэ тарасеты", не" мяд' мюй манзай пэрцеты", җаварм' пирембасеты", неноховавна сэдорава' серм' минресеты". Тикы ва"авлм' тедалахана я' ханярина ненэй ненэця" нёдадо'.

Та' валакада!



Сидяҗҗ: М.Яр' талтавы"

Маня" җэर्म' ява"

Ямалхана маня" илеҗава", Тына" лэтамбива", халям' хадабива", Сямян манзаям' маня" пирҗава"! Ямал' тер" ненэця", Якоцява", небыдарев' сяҗгава"ма"! Ты" мякана, хой' няна, Мядэхэнанда" таборо нёда" хаебю", Вэсэймы" ненэця" манзеты": «Я сянзь тара!» Җули" тарем' җа. Мань җоб" тарем' няхани' манзетыдм': Ява" сяҗгава"ма", лэтрамбахава"ма"! Ѓэर्म' ява" хаҗгулаҗгудақы, Пыда ненэцяндрев' Лахана вунида пирас"...



Ямб"я иняраха, Ямб"я җудараха Тет савна паҗгалмы. Сармикахавада Я' нямд' лэкоця, Яркола мэта тынзями.

Ты" това' нерҗюна Тынзями вэнтавэй! Ямб"я тынзями Харни паҗгалмэми. Тэхэ" мимб"ни ня"амсетыв, Ярколаб"нани' мэцетыв,

Тынзя'

Ямб"я тынзями Харни паҗгалмэми.

Хасаван җэбат, Выҗгана илебат, Тынзяр танияб"нанда тара. Пыдар тэхэ" мимб"нанд Нянанд ханабад, Тынзяр нядаҗгода некараха!

Тэхэ" мимбат ня"маҗгур, Ярколаб"нанд мэтар, Ямб"я тынзярэй, Харт паҗгалмэрэй.



Тикавна ядэрп' манэ"манда ҟокась. Паской" ембдяро мэта" маниевари" то"олхариць. Хусувэй хибя' тэнзм' панэнда, имбытанда сэдыр"мана хамэда пирҟаваць. Мирдатна" ненэця" ҟани' тодо" яхат товыць. Ненэй ненэцяҟгат ҟармбэй нем' Анастасия Степановна Лаптандерм' едтедамзь. Сэдора, мел' манзаям' пир"мада таминда ҟадись. Савовна сэдвы" паской" ҟамгэрида толь' ни' лехэбта-выдась. Хадами лаханако ня"ҟавась.



ФЕСТИВАЛЯН' ТО"МАДА

- Не нюни ня' Пэ" хой' няд март' теняна то-нинзь. Пыда ма"нисяв: «Маркана хэбидя яля ҟэванда. Ненэцие манэ"манзь хэини'. Мел"мана сертавы" ҟавэни' ханайни'». Теда' пенахат сэдвы" тапочкы, буркы, тамна ҟани" ҟамгэри мирдапини'. Няхар" тынзям' паҟгалҟадамзь. Сидя ханакоцям' мидамзь. Тикыни" мирда"манзь тэврэйнась. Салыҟгардаханан' сянакова' яляхана турцетым'. Сэдвыни', мивыни', паҟгалмыни' ҟани' тарем' мирдап-

Маҟгты" ирыхына Салыҟгардахана «Душа тундры» нубета этнофестивальм' ҟани' мэ"ҟаваць. Тикан' марад' тер", тодо" мар-кат, нюдяко" хардахат ҟэда" ненэця" ма"лорҟаць. Няхар яля' миҟась. Нябимдей яля' Ямальской филармония' хэв-хана сёётанаха", таранаха" сырҟаваць. Пыдо' мядо-манзь товы" е"эмня варемдо' мэ"ҟаць. Тикы' хавна мелад" ҟавэ сертабада" теневабцото' сер' ҟацекы, ненэцие тохоламбиць. Ханяҟыдо' етя мэлваха"на сертавы ҟамгэридо' мирдапиць.

сетын. Теда' яля' ямбан' тэмдорманзь турта' таян". Сёётани, тарани маниедм'.

ВЫҢГЫ ИЛАНДА

- Мань илевани ямбан' ты" мякана иледм'. Небяхаюни' - нисяхаюни' си"ми тохолкованзь нихинзь ҟэдара". Хуркари манзаян' си"ми тохолаҟаханань. Сэдоравам', мяд' мюй" манзаи минревам', малковам' сававна теневын. Юкад вата няхар" похонани' яҟго мярыбасетым'. Хасава нини' нядабидамзь. Хане тухудамзь.



Сидяҟг: Руфина Окоэтэто' тадтавы"

ҟарка неками туним' мэць си"ми тохолась. ҟокханда няхар" некаминзь, няхар" нябако-минзь.

ХАНЕВАМ' ПИР"МЭДА

- Мальцыми' серхая ханеванзь ханцетым'. Тэри ҟэхэва яхас нями танявысь, хасава ҟэвысь. Соя"махаданда яҟгомьсь. ҟадбьяни хасава манзаям' пир"ҟав. Небяв манзеты: «Ха-сава нянд сей' пелям' мэ"ҟан». Яҟгохона носи, тэваси ня"марпасетым'. Тунихина тэвасихи", нув' сармикаха" ханесетым'. Та' маляҟгана Салыҟгардахана «Сельхозкомбинат Рыбкооп» танясь. Тикан' ханесэйна" хоб мирдапасетыва". Етя планм' сертабасетыва".

МЯТА ТЕР" НЯМНА

- Пуна хаюпа си"ми" ми"ҟаць. Хар"ни мяд' терсавэйҟэ хаядамзь. Сидя не нюми. ҟаркаюмми тохолкованзь нивась ҟэдара". Сид"ни' тотрев' хой' иланд' тохоламбиминзь. Вэсакони ня' ханесетыни'. Ханяҟэхэ"на хар"н ханцетым'. Пыдаси"мипуня' нитабламбасету". ҟобнзер' пэрҟини' минресетыни'. Сита нядабасетым'. Рыбкоопм' тал"махадандо', рынокан' носи" хоб тэволасетыни'. Тарана ҟамгэдами' тэмдасетыни'. Тарем' илеваць. Нюдяюм' не нюхувами' тохолкусъ. Харад' илаҟгана иле. Луци" серо, падро тенева. Теда' нянани' хардан' тэворпани' нензел" ҟэсеты. Нюни мят' ханцетым'.

Лабтэй' хадани ваде"мандада ҟокась. Си"ми мер' ҟэдараван' нись харва". Тэри маямбись. Тарця сейхана пойда ненэцям' ядабтава сяха-ринда сава ҟэсеты.

Руфина Окоэтэто'
падвы



Интернет'
мутравна
сидна" хось
пирҟада",
тюкон' тюда".



Газета «Няръяна Нгэрм»	И.О. главного редактора Кинчина ГАЛИНА СЕРГЕЕВНА	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 27 Подписано в печать 3.07.2025 г. Вышла в свет 5.07.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).			Тираж 3600 экз. Заказ № 0973 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д.1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунынца, д1, каб. 106 тел. (349 22) 4-53-32 E-mail: nn@yamal-media.ru